

sli maku ci na nnogun

sli maku ci na nnogun ga bne caku nya uba mu na patus nogun, nnogun  
haca ga knle na 'ba uba mu, m'was caku biru lla'iy cipuy te payat kawas  
kya ga bne caku nya uba mu te utux nnogun ru yaca nanak utux nnogun mu  
uyi, baha mcwa ungat pila myan thoyay bayi nnogun, nanu ya'aya na  
nnogun myan ga kle'un myan nanak, uba mu si kaki mayah mtiyaw kryax  
uyi, nanu mhngi mtiyaw uba mu lga, thoyay rmaw mkle ya'aya na nnogun  
bi'an cami nya. maki rgyax na la'iy ga, nnogun naha ga kle'un naha nanak,  
kba nanak kble nnogun, ini stama c'oli.

kinan ga la'iy knerin, knerin iya ma ga siga tkba sriyu sali, yaba yaya  
ga piux calay gaga cpngan nya la'iy knerin, yan nku, la'iy knerin ga lokah  
tkba yaw sali, iya trin lalaw ru patus ma, iya sulun la'iy mlikuy sli mosa  
mno tanux, siga ini ta pgani knayan na gaga hani lga, mwah sali yaba yaya  
lga sangun su nya ru bacyu su nya la, ana ga, ini kusa kya uba mu iya, smalu  
ci la'iy hiya.

maki utux ryax, texan caku nya uba mu cyu mu si ngayi nnogun na  
patu cyu 'ba suyan mu mlikuy, maki glang maku mno patu, mnangi mno  
glang mu, ru kyalun caku nya mnglung su ming patu? kle'un misu, m'es

caku ci kle'un cu nya patu suyan mu mlikuy, nanu kmayan caku, ang!  
cmuyk kmayan ku suyan mu mlikuy ma, trgun misu, tlihan caku nya lru  
wayan la, mita uba mu lru thuy ci hoyas nya kyalung caku nya, mnglung su  
magan lalu? mita cu uba mu, ini mu ba'iy imi ke nya, ana ga, wan mu  
kyalung uba mu, agan caku patu, miyi mromun tunux uba mu, giba caku  
nya ru coman nya bu' royi r'yas maku, mimu caku nya kmayan ma, naga  
cika ki, bi'an misu cuxan, arin cu gyan mnaga helaw hayi tekun ryax cuxan  
macu, tehok ci cuxan lga, mnagan cu loyi, kahun tiyaw mayah mwah sali  
uba mu, ruyux ci ryax n\_gon, memaw mu ina ba'iy ksli maku mnaga ryax  
soni, baha mcwa ini mu yengi knayan ke na uba mu, teho ci sali uba mu la,  
m'es caku ci mnaga wah, texan mu mrsu ci kakay uba mu, tputin caku miray  
suru nya khani, aki caku nya Texan macu, hay lga smuy lalu mu uba maku  
ma, Emi, skahun nya cka kesi magan utux nnogun na patu, bi'an caku nya  
patu, si mu ngayi patu haca, m'es caku ci, mhoway su san maku uba mu,  
halan mu smogan suyan mu mlikuy ma kyan patu mu la, myasa ci patu  
mu, arin kya lga patu hani si glu kinan la, nanu maki caku la'iy cipuy ga  
patu nnogan hani sli maku ci.

我最喜歡的玩具

爺爺親手製做給我的竹槍，那是我第一個也是唯一的玩具。爺爺大部分時間都在山上田園工作，有空時才會幫我們製作玩具。有天，我盯著哥哥的竹槍，哥哥邊玩邊問：「想不想要竹槍？我可以幫你做！」但哥哥回是騙我的！爺爺看到之後，就說明天會做給我。

終於到了明天，爺爺從 kesi 裡拿出一個竹槍來，把竹槍拿給我，趕緊謝過爺爺，再去跟哥哥炫耀，這支竹槍成了童年時我最喜歡的玩具。